

**ГОНОАРТРОЗНИ ЭЛЕКТРОФОРЕЗ ЁРДАМИДА КАРИПАИН БИЛАН ДАВОЛАШ
САМАРАДОРЛИГИНИ БАҲОЛАШДА ФУНКЦИОНАЛ ИНДЕКСЛАР КЎРСАТКИЧЛАРИ**



Туксанова Зебинисо Изатуллоевна, Нурбаев Фармон Эргашович
Бухоро давлат тиббиёт институти, Ўзбекистон Республикаси, Бухоро ш.

**ПОКАЗАТЕЛИ ФУНКЦИОНАЛЬНЫХ ИНДЕКСОВ В ОЦЕНКЕ ЭФФЕКТИВНОСТИ
ЛЕЧЕНИЯ ГОНОАРТРОЗА ПРЕПАРАТОМ КАРИПАИНА ПРИМЕНЕНИЕМ
ЭЛЕКТРОФОРЕЗА**

Туксанова Зебинисо Изатуллоевна, Нурбаев Фармон Эргашович
Бухарский государственный медицинский институт, Республика Узбекистан, г. Бухара

**FUNCTIONAL INDICATORS IN EVALUATION OF EFFECTIVENESS OF CARIPAIN
TREATMENT OF GONOARTHROSIS WITH ELECTROPHORESIS**

Tuksanova Zebiniso Izatulloyevna, Nurbayev Farmon Ergashovich
Bukhara State Medical Institute, Republic of Uzbekistan, Bukhara

e-mail: ztuksanova76@mail.ru

Резюме. Уибу мақолада физиотерапевтик муолажаларнинг, хусусан, остеоартрозни даволашда электрофорез усули билан карипаинни қўллаши самарадорлиги ҳақида маълумотлар келтирилган.

Калим сўзлар: остеоартроз, тизза бўғими, хондроитин сульфат, реабилитация, остеофит, синовит, ногиронлик, ҳаёт сифати.

Abstract. This article provides data on the effectiveness of physiotherapeutic procedures, in particular, the use of caripain with the method of electrophoresis in the treatment of osteoarthritis.

Key words: osteoarthritis, knee joint, chondroitin sulfate, rehabilitation, osteophyte, synovitis, disability, quality of life.

Долзарблиги. Замонавий концепцияларга кўра, артоз - турли хил этиологияли бир хил бўлмаган касалликлар гурухига мансуб бўлиб, улар биологик, морфологик ва клиник ўзгаришларнинг сурункали кечиши билан тавсифланади ва патологик жараён бўғимнинг барча компонентларига, асосан, тогай, сукнинг субхондрал қисмига, синовиал мембрана, бириктирувчи аппарат, бўғим капсуласи, артикуляр мушакларда дегенератив-дистрофик жараёнлар билан биргалиқда таъсир қиласди [1, 5, 6]. Остеоартрознинг келиб чиқиши хавфли омиллари қўйидаилар: 1) генетик: 2 -турдаги ирсий коллаген бузилиши, 2 -турдаги коллаген мутацияси, бошқа ирсий сук ва бўғим патологиялари, инсоннинг этник келиб чиқиши; 2) генетик бўлмаган: кекса ёш, ортиқча вазн, менопауза, ривожланиш бузилишлари (сон дисплазияси) ёки сук ва бўғимларнинг ортирилган касалликлари, бўғимларга жарроҳлик аралашувлар (менискусни олиб ташлаш ва бошқалар); 3) атроф-мухит омиллари: иш билан боғлиқ жисмоний фаолият, бўғимлардаги хар хил травмалар, фаол дам олиш ва (ёки) спорт [5, 9, 12].

Бундай касалликлар орасида гонартроз ер юзидағи ҳар 5 одамда учрайди, аёлларда унинг частотаси эркакларга қараганда 2 баробар кўпdir [9]. Касалликнинг биринчи босқичида даврий оғриқлар паст интенсивлик билан тавсифланади, айниқса уйқудан кейин ва узоқ вақт ўтиришдан - "бошланғич" оғриқлар пайдо бўлади. Иккинчи босқичда оғриқлар оёқларда узоқ туриш ва юришдан кейин кўшилади. Бўғимлардаги ҳаракатларнинг чекланиши, мушаклар гипотрофияси кучаяди, юриш пайтида бемор оғриқ туфайли оёғини эҳтиёткорлик билан босади. Учинчи босқичда оёқларда (Х шаклидаги ёки О шаклидаги) қийшайишлар ривожланади. Деформацияланган бўғинлар шиши оқибатида бўртиб чиқади. Бунинг натижасида ҳаракатлар сезиларли даражада чекланган ёки бутунлай йўқолган бўлади [4, 9].

Остеоартроз билан касалланган bemorларда, айниқса гоноартроз билан оғриганларда хаёт сифат кўрсаткичларининг пастлиги аниқланган, бу касалликнинг сурункали, прогрессив кечиши билан боғлиқ. Bemorларнинг ёшини, прогрессив бўғимларнинг шикастланишини хисобга олган холда, касаллик bemornинг энг муҳим

функцияларига - жисмоний, психологик, ижтимоий фаолиятга салбай таъсир кўрсатади, деб айтишимиз мумкин. Ҳаёт сифатини ўрганиш беморларнинг ахволини кузатиш, даволаш динамикаси ва самарадорлигини баҳолаш имконини беради. Тизза бўғими функциясининг ўзига хос белгилари ва чекланишини баҳолаш учун ўлчов шкалалари, хусусан, WOMAC индекси ва Лекен индекси ишлатилади [4, 7, 12, 13]. Адабиётлардаги маълумотларга қараганда, артрозларни стероид бўлмаган яллигланишга қарши дорилар ҳамда хондропротекторлар билан комплекс даволашга қарамай, етарли даражада самарали эмас. Шунинг учун, артрознинг патогенетик бўғинига қараб, бу касалликнинг комплекс тикловчи даволаш усулларини ўрганиш зарур.

Ишнинг мақсади. Тадқиқотимизнинг асосий мақсади клиник тестлар ва WOMAC индексидан фойдаланган ҳолда, электрофорез ёрдамида “Карипайн” препаратини даволаш самарадорлигини баҳолаш учун гонартроз билан оғриган bemорларда, асосан, биринчи ва иккинчи босқичларида тизза бўғимлари функцияси динамикасини ўрганишдан иборатdir.

Материаллар ва усуллар. БВКТМ физиотерапия ва травматология бўлимларида Kellgren-Lawrence бўйича остеоартрознинг биринчи ва иккинчи босқичлари бўлган 35 дан 74 ёшгача бўлган икки гурухга бўлинган 60 bemор (1-гурухда 36 киши; 2-гурухда 24 киши) ларда ўтказилди. 1-гурухдаги bemорлар “Карипайн” билан, 2-гурухдаги bemорлар эса лидокайн билан электрофорез муолажасини олишди. Даволаш самарадорлиги WOMAC индексидаги ўзгаришлар, функционал Лекена индекси, ВАШ бўйича оғриқ, яъни юриш пайтида, тинч ҳолатда, гониометрия маълумотлари, 30 м тўғри чизикда юриш ҳамда зинага чиқиш вақти бўйича баҳоланди.

Гонартроз учун Лекен индекси, шунингдек WOMAC индекси даволашнинг самарадорлигини баҳолаш учун клиник кўрикдан ўтказиш билан бирга ВАШ шкаласи бўйича 0 дан 100 мм гача ҳаракатланиши, зинадан 10 қадам (сек) кўтарилиш вақтини ва 30 м (сек) масофада тўғри чизик бўйлаб юриш вақти bemорнинг тинч ҳолатдаги бўғимдаги оғриғи ҳисобга олинди. Тизза бўғимларининг ҳажми бўғимнинг ўрта учдан бир қисмидаги ўлчов лентаси ёрдамида, гониометрия маълумотларига кўра тизза бўғимларида ҳаракатланиш диапазони, бўғимларнинг шиши баллларда (0 дан 2 баллгача) баҳоланган, бўғим ёриқлари йўналиши бўйлаб пальпация қилинганда кузатиладиган оғриқлар ҳам балларда (0 дан 2 баллгача) аниқланди.

Олиб борилган даволанишга қараб bemорлар 2 гурухга бўлинди: биринчи ($n = 36$

киши), иккинчи ($n = 24$ киши), ёши ва жинси таркиби, касалликнинг давомийлиги, бўғимларнинг рентгенологик ўзгариши ва функционал бузилишлар бўйича тақъосланди. Биринчи, яъни асосий гурухдаги bemорларга электрофорез муолажаси “Карипайн” препарати билан олиб борилди. 1 флакон препарат 10 мл ли физиологик эритмага муолажадан олдин эритилиб, мусбат кутбнинг электроди устига жойлаштирилган фильтр қоғозга солиниб тизза бўғими оғриқли соҳасига кўйилди. Манфий кутбнинг электроди устига эса 2,4% ли эуфиллин препарати жойлаштирилган фильтр қоғозга солиниб биринчи электродга параллел ҳолда кўйилди. Иккинчи гурухдаги bemорларга электрофорез муолажаси мусбат кутбга 2 % ли лидокаин препарати, манфий кутб эса ҳеч қандай препаратсиз мусбат кутбга параллел ҳолда кўйилди. Ҳар иккала гурухдаги bemорларга муолажалар 15-20 дақика, частота 100 Гц, 12-15 мА гача бўлган қийматни bemорнинг хис-туйгуларига қараб ўрнатилди. Факат bemорнинг хис-туйгуларига таяниб, оқимни силлиқ равища ошириш керак. Тери куйиши олдини олиш мақсадида ёстиқчалар bemорнинг танасига маҳкам жойлашиши керак. Электрофорез муолажаси ҳар куни ва мунтазам равища амалга оширилди. Курслар сони касалликнинг оғирлигига боғлиқ ҳолда (кўпинча 2-3 курс) олиб борилди. Бир даво курси 10-12 муолажани ташкил этди.

Статистик тахлиллар компьютер программасини қўллаб олиб борилди. Стъюдент t-критерийси баҳоланди.

Олинган натижалар. Беморларнинг клиник хусусиятлари 1-жадвалда келтирилган бўлиб, ундаги маълумотлардан келиб чиқадики, bemорларнинг аксарияти (69,4%) 45 ёшдан ошган аёлларни ташкил қиласди. Энг кўп bemорлар 55 ёшдан 64 ёшгача бўлганлар гурухидир. Ўртacha ёш 54,5 ни ташкил этди. Касалликнинг давомийлиги 6 ойдан 15 йилгача, хуружларнинг ўртacha давомийлиги $5,9 \pm 1,1$ ҳафтани ташкил этди. Беморларнинг кўпчилигига, яъни 44,5% ида рентгенографияда (Kellgren-Lawrence) бўйича II босқичи аниқланди. Бўғимдаги функционал бузилишлар эса II даражаси 63,9 % ни ташкил этди. Синовит ва тендинитнинг клиник белгилари 47 нафар bemорда (78,3%) аниқланди.

Беморларнинг зарарланган тизза бўғимларида ҳаракатланиш доирасининг чекланганлиги (84%) ни кўрсатди. ВАШ шкаласи бўйича ҳаракатланиш пайтидаги оғриқ синдроми асосий ва тақъослаш гурухларда мос равища 40 дан 100 мм гача ($82,24 \pm 2,58$ мм ва $61,8 \pm 2,4$ мм). Лекен функционал индексининг қийматлари эса 4 дан 16 баллгача, яъни $15,1 \pm 0,6$ ва $15,2 \pm 0,8$ баллни ташкил этди.

Жадвал 1. Беморларнинг клиник тавсифи

| Клиник маълумотлар | Асосий гурух | | Такқослаш гурухи | |
|---|--------------|------|------------------|------|
| | N | % | N | % |
| Беморлар сони | 36 | 100 | 24 | 100 |
| Жинси | | | | |
| эркак | 11 | 30,6 | 7 | 29,2 |
| аёл | 25 | 69,4 | 17 | 70,8 |
| Ёш | | | | |
| 35-44 | 1 | 2,8 | 1 | 4,2 |
| 45-54 | 12 | 33,3 | 10 | 41,7 |
| 55-64 | 16 | 44,5 | 8 | 33,3 |
| 65-74 | 7 | 19,4 | 5 | 20,8 |
| Гоноартрознинг давомийлиги | | | | |
| 1 йилгача | 6 | 16,7 | 3 | 12,5 |
| 1-5 йилгача | 21 | 58,3 | 9 | 37,5 |
| 6-10 йилгача | 7 | 19,4 | 5 | 20,8 |
| 10 йилдан кўп | 2 | 5,6 | 7 | 29,2 |
| Рентгенография | | | | |
| I | 7 | 19,4 | 9 | 37,5 |
| II | 16 | 44,5 | 13 | 54,2 |
| III | 13 | 36,1 | 2 | 8,3 |
| Бўғимдаги функционал бузилишлар, даражаси | | | | |
| I | 7 | 19,4 | 7 | 29,2 |
| II | 23 | 63,9 | 14 | 58,3 |
| III | 6 | 16,7 | 3 | 12,5 |

Даволанишдан олдин иккала гуруҳдаги bemorларда оғрикнинг оғирлиги, клиник ва рентгенологик кўринишида фарқ қилмади, аммо, I гуруҳдаги bemorларда харакатдаги ВАШ шкаласи бўйича оғриқ юқори даражада эди ($p<0,01$). Даволашнинг 1 ойидан бошлаб иккала гуруҳдаги bemorларда оғриқ ва касалликнинг бошқа клиник белгиларининг камайганлиги кузатила бошланди, аммо I гуруҳда кўрсаткичлар сезиларли даражада намоён бўлди. Шундай қилиб, ушбу гуруҳдаги bemorларда ВАШ шкаласи бўйича тинч ҳолатда, харакатланиш вақтитида оғрикнинг анчагина пасайиши кузатилди, функционал тестлар яхшиланди (30 м тўғри чизик бўйлаб юриш, зинапояга кўтарилиш, тизза бўғимининг эгилиши) ($p<0,01$), II гуруҳдаги bemorлар эса фактадам олишда оғриқ сезиларли даражада камайганлигини айтишди. Иккала гуруҳда ҳам икки ва уч ойдан сўнг динамикада сезиларли даражада ижобий томонга ошди, лекин I гуруҳда барча клиник кўрсаткичларнинг яхшиланиши тезроқ содир бўлди. Шундай қилиб, карипаин препарати билан қилинган электрофорез муолажаси даволанишнинг 8 хафтасида оғрикнинг сезиларли даражада камайиши, Лекен индекси, функционал тестларнинг яхшиланиши кузатилди. 12-13 хафтадан кейин ҳам бу тенденция сақланиб қолинди. II гуруҳда кўпгина клиник тестларда сезиларли яхшиланиш 8-10 хафтадан кейин кузатилди. Функционал Лекен

индекси 12 ҳафталик даволанишдан сўнг статистик жиҳатдан сезиларли яхшиланиши қайд этилди. ($p<0,01$). Ушбу муолажалар натижасида 12 ҳафтадан кейин bemorларнинг тинч ҳолатда 87% ва 74% да, харакат пайтида - 82% ва 70% да оғрикнинг тўлиқ ўқолиши, бўғимларнинг шишиши - bemorларнинг 94% ва 75% да (мос равишда I ва II гуруҳларда) қайтиши кузатилди. Бу bemorларда лаборатор кўрсаткичлар яхшиланди. Муолажадан олдин WOMAC индекс шкаласи бўйича тизза бўғимининг функционал ҳолати иккала гуруҳда ҳам сезиларли даражада фарқ қилмади: I гуруҳ - $52,2 \pm 0,6$ мм; II гуруҳ - $46,0 \pm 0,5$. "Карипаин" препарати билан ўтказилган электрофорез муолажаси лидокаин препарати билан қилинган электрофорезга қараганда бўғим функциясининг сезиларли даражада яхшиланишига олиб келди, даво самараси 4 ҳафтадан сўнг намоён бўлди, 8 ва 12 ҳафтадан кейин самарадорлик янада ошиши кузатилди. "Зинадан кўтарилиш ёки тушиш", "полга эгилиш", "уйдаги оғир иш" белгилари учун оғрикнинг оғирлик даражаси энг юқори бўлган - 60 дан 100 мм гача. Bemorларда харакатдаги чекловлар кўп харакатчанлик ва барқарор мувозанат талаб қилинадиган ҳолатларда, хусусан, автомобилга кириш ёки чиқиша, тўшакдан туриш пайтида (57 дан 72 мм гача), (гуруҳлар бўйича мос равишда $54,3 \pm 0,5$ мм ва $51,6 \pm 0,6$ мм) сезилди. Умуман олганда, ҳар икки

гурху беморларни даволаниш вақтида 3 ой ичида WOMAC шкаласининг барча 17 пункти бўйича зарарланган бўғимлар харакатчанлиги сезиларли даражада ($p < 0,05$) яхшиланиши қайд этилди, айниқса 8-ҳафтадан бошлаб даво натижалари 2-гурухдаги bemorlariga nisbatan 1-гурухдаги bemorlarda яхши самара бераётганлиги аниқланди. Муолажа вақтида хеч қандай ножӯя таъсир кузатилмади.

Хулоса. Остеоартрозни даволаш таянч-харакат аппарати тизимидағи хасталиклар орасида долзарб муаммо ҳисобланади. Бу касалликни даволаш учун кўпинча ностероид яллигланишга қарши препаратлар ишлатилади, улар оғриқни йўқотиш ва бўғимларнинг харакатчанлигини яхшилаш билан бирга, биринчи навбатда, ошқозон-ичак трактига, айниқса кекса bemorlarda ножӯя таъсиirlарга эга. Шу муносабат билан касаллик учун патогенетик асосланган, деярли ножӯя таъсири бўлмаган, айнан тоғай тузилмасига танлаб таъсир кўрсатадиган юкори самарадорликка эга даво усули танланди. Ушбу турдаги терапия оғриқ синдромини камайтиришга, bemorning харакатчанлигини қайтаришга, яъни одатий турмуш тарзи, унинг сифатини яхшилашга имкон беради. OA ни даволашнинг тури усулларининг самарадорлигини ўрганиш мезон сифатида bemorning субъектив баҳолашларидан фойдаланишни ўз ичига олади, унга кўра оғриқ хисларининг динамикаси аниқланди. Патологик жараёнга умумий таъсири аниқланди. Бизнинг тадқиқотимизда оғриқ синдроми ва Лекен индексига таъсири нуктаи назаридан бўғимларга электрофорез муолажасини карипайн препарати билан маҳаллий таъсир самарадорлигини тасдиқловчи маълумотлар олинди. Препарат харакат фаоллигига, мушак тонусининг ҳолатига, сувак тўқималарининг ўзгарган тузилишига ижобий таъсир кўрсатади. Электрофорез орқали "Карипайн" дан фойдаланиш самарали ҳисобланади, чунки бу муолажа препаратнинг фаол таркибий қисмларини тўғридан-тўғри заарланган тўқималарнинг чуқурилигига етказиш имконини берди.

Адабиётлар:

1. Верткин, А.Л. и др. Остеоартроз в практике врача-терапевта // Русский медицинский журнал. – 2008. – Т.16, №7 – С. 476-480.
2. Клинические рекомендации. Остеоартрит: Диагностика и ведение больных остеоартритом коленных и тазобедренных суставов.//Под ред. О.М. Лесняк. - М.: ГЭОТАР-Медиа, 2006. - 176 с.
3. Насонов, Е.Л. Ревматология. Клинические рекомендации. 2-е изд., испр. и доп. / под ред. Е.Л. Насонова. // ГЕОТАР-медиа, 2010. - 752 с.
4. Нурбоев Ф.Э., Туксанова З.И. Остеоартрознинг тарқалиш сабаблари, ривожланиш механизми,

кечиш хусусиятларининг ўзига хослиги. Тиббиётда янги кун. Илмий журнал. 2(30). 2020.485-488 б.

5. Туксанова З.И. Остеоартрознинг патогенетик бўғинига қараб комплекс тикловчи даволаш усулларини ишлаб чиқиши. Тиббиётда янги кун. Илмий журнал. 4(32). 2020.591-593 б.
6. Туксанова З.И., Исмоилова М.Ю. Изучение эффективности препарата "Карипайн" при лечении остеоартроза методом электрофореза// Сборник тезисов. 15 мая. г. Семей. - 2020. - С. 177.
7. Туксанова З.И., Нурбоев Ф.Э., Исмоилова М.Ю. Программа для дифференцированного подхода к комплексной реабилитации больных остеоартрозом // Свидетельство об официальной регистрации программы для ЭВМ. - 2020. - № DGU 08859.
8. Bellamy N. et al. Validation study of WOMAC. A health status instrument for measuring clinically important patient relevant outcomes to antirheumatic drug therapy in patients with osteoarthritis of the hip or knee. J. Rheumatol., 1988, 15, 1833-40.
9. Goldriring, M.B. The role of the chondrocyte in osteoarthritis/M.B. Goldriring // Arthritis and Rheumatology. – 2000. – Vol.43, №9. – P. 1916-1926.
10. Ismailova M.Yu., Tuksanova Z.I. To the issue of development of cardiovascular diseases at athletes// World Journal of Pharmaceutical Research..- 2020. - Vol.9. Iss.3. - P. 331-338.
11. Michel B. et al. Chondroitin 4 and 6 sulfate in osteoarthritis of the knee: a randomized, controlled trial. Arthritis Rheum., 2005, 52, 3, 779-86.
12. Nurboev F.E., Tuksanova Z.I. Distribution reasons, development mechanism, features of the course of osteoarthrosis// International Engineering Journal for Research and development. - 2020. - Vol.5. Iss.4. - P. 1-6.
13. Z.I. Tuksanova, F.E. Nurboev, M.Y. Ismoilova. Development of differentiated approaches to the complex treatment of osteoarthritis// Psychology and Education Journal.-2021.№58(2).- P. 5002-5005
14. Uebelhart D. et al. Intermittent treatment of knee osteoarthritis with oral chondroitin-sulfate: one-year, randomized, doubleblind, placebo-controlled, multicentrestudy versus placebo. Osteoarthr. Cartil., 2004, 12, 4, 269-76.

ПОКАЗАТЕЛИ ФУНКЦИОНАЛЬНЫХ ИНДЕКСОВ В ОЦЕНКЕ ЭФФЕКТИВНОСТИ ЛЕЧЕНИЯ ГОНОАРТРОЗА ПРЕПАРАТОМ КАРИПАИНА ПРИМЕНЕНИЕМ ЭЛЕКТРОФОРЕЗА

Туксанова З.И., Нурбаев Ф.Э.

Резюме. В данной статье приведены данные об эффективности проводимых физиотерапевтических процедур, в частности применении карипайна с методом электрофореза при лечении остеоартроза.

Ключевые слова: остеоартроз, коленный сустав, хондроитин сульфат, реабилитация, остеофит, синовит, инвалидность, качество жизни.